

ea bonis literis atq; moribus ab ipsa usq; pueritia probè fuerit edu-
catus, nec ergo tam honorabit ut *patriam*, quàm ut *bene-vivendi ce-*
lebrabit magistram. Eò conatus suos & nervos intendet, ne patriæ
suæ sit *indecor* (ignoscat huic vocabulo genius Monachi Bergoma-
tis) aut Præceptorum Scholasticorum *immemor*. Certè, quod monet
alicubi præclarissimus ille Theologus Cunradus Dieterichus (16),
caules aliq; herba multa & planta, nisi transplantentur, steriles & vi-
les manent, transplantata autem magnâ cum ubertate crescunt; ita pue-
rorum ingenia foris quandoq; feliciùs excolantur quàm domi Idq; intel-
lexisse dicendus est alter discipulus MARTINUS, qui ex nobili Nori-
berga ante hoc triennium in mense Julio ad nos venit, ac licet primo
statim accessu fortunæ facies non adeò rideret aut blandiretur, con-
stantissimè tamen eam pertulit & superavit, nec eum hujus un-
quam aut pœnituit perseverantiæ aut pœnitebit: immodò cum nuper
à nobis abire in animo haberet, à magno ipsi Patrono, plurimum
Reverendo & Excellentissimo Domino DICHERO rescriptum fu-
it, ne Gymnasium tam luculentum desereret, antequam reapse Sti-
pendio, quod ab ipsis petierat, frui posset, *quam fundamenta in gy-*
mnasiis solidius sœclâ in Studiis Academicis primas tenerent. Et sanè per
hoc triennium ita se in studiis & moribus suis gessit, ne opus habue-
rimus optare, aut ut numquam ad nos accessisset, aut ut citiùs à no-
bis abiret. Exercitia scholastica semper magna cum diligentia com-
posuit, & debito tempore obtulit, non ut quibusdam solenne est, qui
vel planè ea negligunt, nescio quo expeditæ Latinitatis typho infla-
ti, vel versuram faciunt, atq; nudato Petro Paullum tegunt, semestri
secundo reservantes, quod erat faciendum in primo. Quæ beneficia
apud nos per integrum triennium acceperit, *nolumus pluribus præ-*
dicare, ne videamur exprobrare; ipse, quo semper visus est esse, Nori-
co, id est, ingenuo candore ea suo apud Norimbergenses ore omni-
nò enumerabit, licet non tam numerus quàm pondus hec attendatur
& animus.

Quod superest, ego utrumque, & PHILIPPUM nostrum & MARTI-
NUM Noribergensem, præprimis Deo, ab ipsius Angelis custodien-
dos,

(16) super Evangel. Iacobi part. I. observ. 3.